

სრულიად საქართველოს კათოლიკოს-პატრიარქის ქადაგება (29.12.2019)



ჩვენთან არს ღმერთი

დღეს არის ხსენება წმინდისა წინასწარმეტყველისა ანგიასი. წმინდა ანგია უკანასკნელი წინასწარმეტყველია. იგი მოუწოდებდა ებრაელ ხალხს, ისრაელს, რომ თქვენ იშენებთ სასახლეებს და ვერ აგიშენებიათ ტაძარი ღვთისაო.

ჩვენ რომ ვაშენებდით ამ წმინდა სამების ტაძარს, შევქმენით ხატები წმინდისა ანგიასი და დავარიგეთ. საოცრად დაგვეხმარა. ტაძრები აშენდა მთელს საქართველოში და ვმადლობთ უფალს, ვმადლობთ წმინდა ანგიას, რომ შეგვეცნია.

ჩვენ უპირველეს ყოვლისა, უნდა ვიფიქროთ ჩვენს სულიერ ტაძარზე. რომ ვაშენებთ ამ ხილულ ტაძრებსა, უნდა ვიფიქროთ, როგორ ტაძარს ვაშენებთ სულში. სად მივდივართ? აღმა მივდივართ თუ დაბლა ვეშვებით? ღმერთს დიდება და მადლობა, ღმერთი გვეხმარება, რომ ნელ-ნელა ავდივართ მაღლა.

დიდება შენდა უფალო! მადლობა შენდა უფალო!

შეგენიოთ წმინდა ანგია წინასწარმეტყველი და დაგვეხმაროს სულიერი ტაძრის მშენებლობაში.

ჩვენთან არს ღმერთი!

დალოცვილი იყავით და გაიხარეთ.

შევნიშნავთ, რომ მისი უწმინდესობის ღოცვა-კურთხევით 31 დეკემბერს, 1 და 2 იანვარს ხსნილი იქნება თევზით.

— patriarchate.ge